

## წმინდა დოდოს საფლავი



აი, რას წერს ნეტარსახსენებელი მამა მიქაელი (გობრონ) საბინინი“საქართველოს სამოთხეში” წმინდა დოდოს საფლავის გახსნაზე:

უნწყება ღირსისა მამისა ჩვენისა დოდოსათვის

ღირსისა მამისა ჩვენისა დოდოს გარეჯელის ვრცელი ცხოვრება აქამომდე დაკარგულ არს; მას ნეტარისთვის არაი რაი ვიცით, გარდა იმისა, რაც ცხოვრებასა შინა ღირსისა მამისა ჩვენისა დავით გარეჯელისასა მოიხსენების. გარდა ამისა პეტერბურღის საიმპერატორო სახალხო საწიგნობელსა შინა, ერთი ძველი მათიანე, რომელიც ეკუთვნოდა იოანე ბატონიშვილს (ამ ბატონიშვილს მრავლნი ქართულნი ხელნაწერნი დარჩნენ, რომელნიც გარდაცემით ხვდათ თავად სუმბათოვიანთ, მამულთ მოყვარეთა და მამულისათვის თავდადებულთა, ერთმა მათგანმან, იოანე მიხაილის ძემ, საიმპერატორო საზოგადო საწიგნობელსა მიჰყიდა იგინი და არა საქართველოს საზოგადოებას დაუტევა, როგორც მოითხოვდა ჯეროვნება, რომლითა ფრიად გააძნელა ჩვენთვის მათი მოხმარება) და როგორც მგონია მრავალმთის მონასტერთაგან უნდა იყოს მოპარული,-მოგვითხრობს, ვითარმედ ღირსმან დოდომ მონასტერი თვისი, რომელიც ღირსის მამა დავითის ცხოვრებასა შინა მოიხსენების, უძღნო ყოვლად წმიდას, ესე იგი გამოკუეათა სახელსა ზედა ყოვლად წმიდისა ღვთისმშობლისასა, რომელიც იყო ფრიად დიდი მშვენიერი, ყოვლისფრით შემკული და მდიდარი, უმეტეს ამისა სავსე მოღვაწე წმიდათა მამათა მიერ, აქამომდე დარღვეულნი ეკლესიანი, სატრაპეზო, მრავალნი სენაკნი და ლაჰკვანი მისნი დუმილათ მოგვითხრობენ მყუდრო ცხოვრებას წმიდა მამათასა, იქ მყოფთა და დიდსა მოღვაწეებასა მათისასა, მრავალნი ფრიად მდიდარნი შესამოსელნი მისნი, ავჯნი, რომელიც დაბნეულად მოიპოებიან აქა და იქა და უმეტეს ყოველთა მრავალნი მშვენიერნი ხელნაწერნი წიგნნი მისნი, რომელნიც ინახვიან დავით-გარეჯის და

ნათლისმცემლის უდაბნოთა შინა და აგრეთვე იოსელიანის საწიგნობელსა შინა-პეტერბურდის საიმპერატორო საწიგნობელსა შინა, პარიჟში და უმეტეს ამათა იპობოდნენ რუსეთს, ნიჟნი ნოვგოროდის მოახლო ილისკოვოი სოფლის საწიგნობელსა შინა, რომელიც მინახავს და ეკუთვნოდათ ვახტანგ ბატონის ჩამომავალთა, აწინდელს გრაფინია ანა გიორგის ასულ ტოლსტოის მეუღლესა, რომელიც იყვნენ წამოღებულ მრავალმთის მონასტერთაგან, ვახტანგ მეფის მიერ, მას განდევნის დროს საქართველოიდგან, ირაკლი მეფის მიერ-და რომელიც დაიწო ლისკოვოს 1873 წელსა, ესენი და სხვა მრავალნი გვიმტკიცებენ დოდოს მონასტრის დიდს მოქალაქობასა. ამ მონასტერს თვისი წინამძღვარი ჰყვანდა და თავისი საცხოვრებელი მამული, 1615 წელსა, წყევისა და გლოვისამან, ვითარ ამ მონასტერსა, ეგრეთვე სრულიად მრავალმთის მონასტერთა, მოულო სრულიად ბოლო და დაამხო და მოწყყიტა წყეულ სააკაძეს მოწყალეებისამებრ შაჰ აბასის მიერ; უკანასკნელ დრომდინ იქმნებოდა მრავალმთის მყუდროობა, თუ არ აეოხრებინათ იგი სრულიად, ბოლო მიულო მრავალმთის მონასტერთა შემდეგ განახლებისა, მეფე ვახტანგმან, რომელმანცა ბერთუბნის მონასტერი სრულიად რუსეთში გადაიტანა, მცხოვრებითურთ, აღსავლის კარიც კი წაიღო, არამც თუ სხვა რაიმეღა გაუშვა; ხატნი და ჯვარნი და დიდნი ნაწილნი ფრიად შემკულნი მდიდრად, აქამომდე უსვენია სასახლის ეკლესიასა შინა, გრაფინა ანა გიორგის ასულ ტოლსტოის და მამულების ჩამორთმევამ, ორთა დარჩომილთა უდაბნოთა ღირსი დავითის და ნათლისმცემლისათა სრულიად გაასაწყლა და დაამხო.

აწინდელი ზვარი ღირსის დავითის მონასტრისა, რომელიც დაურჩენით, ისიც ღირსი დოდოს საკუთარი არის. ამით უნდა გავსაზროთ, ვითარმედ ღირსი დოდოს მონასტერი ფრიად სავსე იყო ჩვენობადმდე, როგორც მოგვითხრობენ გარდაცემით. ბოლო დრომდინ ღირსი მამის დოდოს მონასტერსა შინა რაოდენიმე მონაზონნი ყოფილან მცხოვრებნი. შემდეგ გასაწყლობისა არა ვინ შესულა და ამისთვის სრულიად დაკეტილა მონასტერი. დარჩენილა იქ ერთი მწირი ბერი, რომელიც გადმოუყვანიათ ღირსი მამის დავითის მონასტერსა შინა და იქ აღსრულებულა; ამის შემდეგ მთელი დოდოს მონასტრის სახმარი და ავეჯი, ორთა აწმყოფთა უდაბნოთა განუყვიათ, რომელნიცა ზოგიერთნი ინახვიან იქ და მრავალნი მათგანნი ზოგი გაჰყიდეს, ზოგი ახალბედ გაცვალეს მათთა წინამძღვართა, უმეტეს ყოველთა წინამძღვარმა მაკარიმ, რომელმანცა არამ თუ ძუელი ავეჯი გაჰყიდა და გამოცვალა და აჩუქა, არამედ ჯოგიც კი გაუყიდა ნათლისმცემლის უდაბნოს, რომლისა ფასი თვისსა მანქანებაზედ მოიხმარა და არა რა შესძინა საწყალს უდაბნოს.

მონასტერი ღირსი დოდოსი სრულიად ჩამოინგრა-და მისნ მშვენიერნი ეკლესიანი, სატრაპეზო და სენაკნი სრულიად აღმოივსნენ ლამით, ქვიშით და ლოდებით, ღირსი დოდოს სამარხოსაც ეს უბედურება დაემართა და კლდის ნარღვევებმან სრულიად ჩამოანგრია სამხრეთი მხარემისი და სამუდამოდ დაჰფარა სასაფლავო ღირსისა, ჩემსა ყმანვილქალობის დროს მახსოვდა კიდევ შესავალი სამარხოსა შინა და ყოვლადვე მეგულვებოდა მისი აღმართვა, არამედ ეს ძნელი საქმე და წადიერება ჩემი,

შეუძლებელ იყო, ჩემ მიერ, მტრობის გამოთ გარდაცვალებული ეკსარხოსის ევსევის და მაკარის მიერ.

მიდიოდა დრო და ხანი დაუბრუნებლად, მეშინოდა პირველი სიკვდილისა და მეორედ სრულიად დაკარგისა ღირსისა საფლავისა, ამისა გამოთ, შემდეგ ლოცვისა და ვედრებისა ღვთისადმი- განვიზრახე გულსა შინა ჩემსა, საქმე მიუცთომელი, ესე იგი აღმოსვენება წმინდა ნაწილთა ღირსისათა და გადასვენება მათი ღირსი დავითის უდაბნოსა შინა. ამის გამოთ წელსა ჩყბა მარტის დღესა, მოვახსენე ჩემის გულის წადილი, ჩვენს ეკსარხოსს და მამათ მთავარს, მეუფე იოანიკეს და ყოველივე აღუხსენ განვითარებითა, ესე იგი სრულიად აოხრება ღირსი დოდოს მონასტრისა, გაქრობა საფლავის კანდლისა და დავიწყება ღირსის საფლავისა და ნება მიბოძა და მიკურთხა გულის წადილი და აღსრულება.

შემდეგ ამისა განვემზადე მარტის 8 დღესა ღირსი დავითის უდაბნოსა შინა წასვლად და თანა წარვიყვანე სულიერი მეგობარი ჩემი, კეთილი და ბრძენი ყოვლითურთ. მყოფი ღირსი დავითის უდაბნოსა შინა მორჩილად, ვითარ ოცი წელი, ან მთავარდიაკვნად მყოფი სფირიდონ გრძელიევი, მარტისა თ დღესა, ორნი მივედით უდაბნოს შინა და თანა წარვიტანე მშვენიერი კაკლის კანკელი, ჩემს მიერ მოტანილი რუსეთიდგან, შესამოსელი, ბარძიმ-ფეშხუმითურთ.

მისრულნი უდაბნოს შინა და მხიარულ მყოფთა შვინის მისვლისათვის ძმათა, მოვახსენე განზრახვაი ესე ჩემი. ძმათა ფრიად განიხარეს და მადლობა შესწირეს ღმერთსა და აკურთხებდნენ დიდსა მეუფესა იოანნიკეს და წინამძღვარსა მის მონასტრისასა არხიმანრიტს გრიგოლი დადიანს. მარტის იე დღესა საღამოზედ შევემზადენით უდაბნოდგან წარსვლად ღირსი მამა დოდოს მონასტერსა შინა. ვიყავით ესე პირნი: მე ცოდვილი მონა ღვთისა და ჩემის მამულის ეკკლესიისა, ხუცეს მონაზონნი ღირსი დავითის უდაბნოსანი, სიმეონ წულუკიძე, კაცი ღვთისა და სრულიად სავსე კეთილითა ჰაზრითა და მორჩილი თავის თანამდებობისა, იოსტოს, კაცი კეთილ გონიერი და ერთი გული უდაბნოსი და გაცარცვისა მტერი, უდაბნოს მთავარ დიაკონი ღირსი დავითის უდაბნოსი იოასაფ, ნათესავად რუსი, უდაბნოს ერთგული და განუშორებელი იქიდაგან, ვითარ ოცდახუთი წელი.

ბემოთხსენებული დიაკონი სფირიდონ და სამნი მორჩილნი მის უდაბნოსანი, ოდეს აღვედით ღირსი მამის მონასტერსა შინა ძლივს მივაგნევით ღირსი დოდოს საფლავის ეკკლესიას, რომელიც სრულიად აღმოსვილ იყო ქვიშით და ლამით. ვიწყედ პირველად აღმონმენდა, შემდეგ იმისა გამოჩნდა ღირსი დოდოს საფლავი, რომელსა ბედა დახატული იყო ხატი ღირსისა შეხვეული მაზარასა შინა, კამარით. საფლავსა ხელის ჩასაყოფი ჰქონდა, მიწის ამოსაღებად, ევლოგიათ სასოებით და სურვილით მიმავალთა. ვიწყეთ პარაკლისის გადახდა და ვედრება საშინელისა მის საქმისაყელყოფისათვის. ავხადეთ სამჯერ გადალესილი დუღაბით დიდი ლოდები წმიდა მამათაგან სინმინდე დამარხული. ლოთთა ქვეშე გამოცნდა გაცხრილი წმინდა

მინა და შემდეგ აღმოვიღეთ მინა და გამოჩნდა ქვით დახურვილი საფლავი კლდისაგან აღმოკვეთილი და ექვსი ნაჭერი პრტყელი ლოდები ედო ზედა, წმიდათა ნაწილთა, რათა მინა არ შეხებიყო. საფლავიდან აღმოვიდოდა მშვენიერი სუნნელება, რომელიც ჰბდიან აქამომდენ წმიდა ნაწილთა ღირსისათა. ოდეს აღმოვიღეთ მინა, შევშიდით, ვითარ კაცნი და ვიყავით გონება მოტაცებულნი. ოდეს აღმოვწმინდეთ მინა, მიუბრუნდა დიაკონი სფირიდონ შემოსილთა ხუცეს მონაზონთა და მოახსენა მათ, რათა მიჰყონ ხელი დახურულთა ლოდთა."მამანო ეხლა თქვენი საქმე არისო ნახვა ნაწილთა. ხოლო მათ შიშნულთა ამ საქმისათა, სცეს ნება დიაკონ სფირიდონს, რომელმანც გაკითა საბუხრები და შემოირტყა გინგილა და ხელი მიჰყო პრტყელთა ლოდთა და აღხადა ლოდი, რომელიც თავზედ ეხურა ღირსსა და ჩრდილოეთის მხრივ მიაყუდა. ამ ჟამსა, მამანი შემოსილნი უკმევდნენ მუხლთმოდრეკით მდგომარენი თავით და ფერხით, მთავარ დიაკონს იოასაფს ეპყრა ხელსა შინა კეროვანი და ჩვენც ყოველნი მუხლთ მოდრეკით ყოფილნი, ამოყრილ მინასა ზედა, ერთბამად ვგალობდით ღირსის დოდოს პარაკლისსა; ოდეს სფირიდონმა აღხადა პირველი ლოდი, აღმოსცენდა მშვენიერი სუნნელება ფრიადი, რომლისა გამო მიმოტაცებული იყო გონებანი და განცვიფრებულნი უყურებდით ერთი ერთმანეთს. მამა სიმეონს და იოსტოსს სდიოდათ ცრემლი, მე სრულიად განცვიფრებული ვწრწიდი და ჩამომდიოდა მდუღარება ცრემლისა, ამ საშინელის საიდუმლოს გამოჩენისათვის. უწყის ღმერთმან, იმ ჟამს ჩვენ ყოველნი ნეტარებაში ვიყავით, უეჭველადაც იგრე იყო. ოდეს იღხადა პირველი ქვა ზემოთქმული და შემდეგ მისა მეორე და მესამე, სულ იყვნენ ექვსნი, ღირსი დოდო სრულიად გამოჩნდა, როგორც იყო ჩასვენებული ათას ორასი წლის უწინარეს, წმიდა მამათა მიერ, ისე შეხვეული მაზარასა შინა, თავზე და პირზე ეხურა შავი დაფარნა ოქროკერილი და ამასთანავე ფერხთა ზედა; გულ ზედა როგორც შემდეგ ვჰსცანით ჯვარი ედვა, რომელიც წყლის ნადენისა მიერ ჩაშლილი იყო, გარდა ერთისა გძელი ნაჭრისა, რომელიც აწ ვითარ ძვირფასი რაიმე ღვთისმშობლის ხატსა შინა გავაკეთე და ეკკლესიასა შინა უნდა აღვმართო საქართველოს. ესე რა ვიხილეთ კაცი ზეცისა და ანგელოსი ქუეყნისა, ვაღარ დაუტევეთ ისრე, არამედ რჩევისამებრ, მოვიტანე ფარჩის ბენარი და გავშალე საფლავის პირსა ზედა და მოვიწადინეთ აღმოსვენება ღირსისა სხეულისა. მე ცოდვილმან მივჰკავ ხელი. საუბედუროდ ჩვენდა, ნადენ წყალს დაებებკვა წმიდა სხეული; რომ არ სდენოდა წყალსა, წმიდა გუამი შეუშლელი იქნებოდა სრულიად. შესამოსელი ხელშივე ნაცრდებოდა, არამედ წმიდანნი ნაწილნი (ძუალნი) გარდა სხეულისა, მშვენიერად იყვნენ დაკრძალულნი. წმიდა ნაწილთა, რომელთა წყალი არ შეხებიყო, ძვალთა ზედა შეხმობილი სხეული აჩდა სრულიად.

გალობით და კმევით აღმოვასუენეთ წმიდანნი ნაწილნი ბენარსა ზედა; ოდეს სრულიად აღმოკრეფილნი იყვნენ წმიდა ნაწილნი საფლავით, კუალად მივაფარეთ აკლდამა, როგორც იყო. მცირე ჟამი შევისვენეთ-და ვისერეთ კიდეცა. ამის შემდეგ, ორთა მღვდელმონაზონთა შეჰკრეს ბოლონი ბენრისანი, გაუყარეს გრძელი მანა, მხარზედ გაიდეს იგი. წმიდა ნაწილთა წინ წარუძღვა მთავარ დიაკონი იოასაფ აღნთებულის კეროვნით, უკან მეორე მთავარი, მე და მორჩილნი გალობით, წმიდაო

ღმერთო...შეუდევით გზასა მიმყვანებელსა ღირსი დავითის უდაბნოსა. ოდეს მივეახლენით უდაბნოს, დაინყეს ბარების რეკა და ესრეთ დიდითა პატივითა და ფრიადითა მონინებითა, შევასვენეთ ღირსი დავითის ეკლესიასა შინა და დავასვენეთ ღირსის საფლავსა ზედა, დრომდინ. ით დღესა წარვემართენით მე და სფირიდონ თფილისს, ვინყე კაკლის ლუსკუმის შემზადება წმიდა ნაწილთათვის, ოდეს შევმზადე გაუგზავნე უდაბნოს, რათა ჩაესვენებინათ მას შინა წმიდა ნაწილნი და დაედგათ წმიდა ლუსკუმა, თანასწორ საფლავისა ღირსი დავითისა, ქუემო ეკლესიასა შინა ჩრდილოეთის მხრივ. მე მეორედ არ წაველ უდაბნოს, რათა თვით აღმესრულებინა, მიზებისაი გამოთ რუსეთს განგზაურობისა; მივანდე ეს კეთილი და სამაგალითო საქმე მამათა, არამედ დიდი დაბრკოლება მოუხდათ მამათ დაბეზლების გამო არხიმანდრიტ მაკარის მიერ კანტორაში, რომელმანცა დააბრკოლა კეთილი საქმე ესე, შეაორგულა ჩვენი მამათმთავარი, რომელი მსმენელმან ჩემგან არა განრისხდა, არამედ თქუა რამეთუ საქმე ესე სასოებას აღმართავს და იდიდების მართლმადიდებელი სარწმუნოებაო. არ დასცხრა დაუძინებელი მტერი საქართველოს ეკლესიისა არხიმანდრიტი მაკარი, არამედ იმოდენა ეცადა კანტორაში, ვიდრემდის კანტორამ არ გადაწყვიტა ვითარმედ"გამოიტანონ ნაწილნი წმიდა დოდოდს ეკლესიისგანო და მონასტრის გალავანში ჩაფლანო." ეს განკარგულება გამოუცხადეს არხიმანდრიტ გრიგორი დადიანს, რომელმან ყური არ ადევნა ამ უწესო განკარგულებას და ორჯელ მიუხდა მონასტრის ძმათა მაკარი და შეაშინა მხრდალნი იგინი, რომელთა უცეფ გამოატანინა წმიდა ნაწილნი ეკლესიიდან მონასტრის ეზოში. ძმათა შექმნეს მცირე ხის ლუსკუმა, შიგ ჩააწყეს დიდებულნი, ღვთივ შემოსილნი და სუნელებით ყნოსოვანნი ნაწილნი წმიდა დოდოსი და აღმოათხრევინა მონასტრის გალავანში მიწა, სადაც ასუენიან წმიდა ნაწილნი ღირსთა მონამეთა შიო ახლის და სხვათა, და რომელთა ხსენება იდღესასწაულების ა ივნისსა და იქ ჩააფლევინა. ოდესაც ეს უწესო და ღვთის განსაწყრომი საქმე მოიმოქმედა დიდებულმა და განჩინებულმა პირმა, მაშინ დასცხრა სიცოფისაგან და დამშვიდდა მლოდვნელი ახლისა მანქანებისა და უწესობისა. სანუხაროდ იქმნება თუ ვითარმედ წმიდა ნაწილნი შეურაცხელად იქმნებიან და დავინყებას მიეცემიან.

იმ დღის ღამესა, რომელსა გადმოვასვენეთ წმიდა ნაწილნი, მამა იოსტოსმან ნახა სასიამოვნო სიზმარი, ვითომ ჩვენ ყოველნი შეკრებილნი ეკლესიასა შინა ვგალობდით რაღაცას და შუაში გვედგა მოხუცი შემოსილი თეთრ ხუცეს შესამოსელსა შინა და მხიარულნი ვიყავით.

ვითარ მერმე მესმა იქამომდე მთელს უდაბნოსა შინა მშვენიერი სული იდგა წმიდა ნაწილთა მიერ.

ღირსი მამა დოდო, ვითარ მოგვითხრობს ძველი მათიანე, ხუცეს მონაზონი იყო და მოძღვარი ღირსი დავით და ჰმართა თვისსა მონასტერსა, ვითარ 52 წელი და აღსრულდა 91 წლისა, 623 წელსა ქრისტეს შემდეგ.

[karibche.ambebi.ge](http://karibche.ambebi.ge)